

白沙先生至言

明刊本 棟亭書院藏

嘉靖辛巳年門人進名水篋序曰王言何者老也言之至者也聲白沙路  
先生之言之至而為之亦人為者也言何者老也言之至者也聲白沙路  
然者也少月錄刊也書中記長白無樣元其堂盛昌齡冊於印陳之  
曹人藏書

白沙先生至言序

甘泉子曰夫至言匪爲者也言之至者也輯白沙陳先生之言之至而爲之以示人約者也曰言何以爲至也言由中出者也本乎其自然者也白沙先生之言曰夫道以天爲至言詣乎天曰至言人詣乎天曰至人必有至人能立至言堯舜以至周孔其至矣下此其類孟大賢歟水也伏讀先生之書若文若詩無慮數萬言曰博矣哉如天之無不覆也如地之無不載也獨懼夫學者讀其言誦其詩而未必知約也乃命門人鍾周輩輯其要約以便初學之覽將以反說約也九十卷三十章古林何子見之曰宜題曰陳子至言蓋本諸先生之語也易曰大人者與天地合其德與日月合

其明與四時合其序與鬼神合其吉凶先天而天弗違後天而奉  
天時人謂天也夫斯之謂至人白沙先生自然合天之學非斯人  
之徒乎書曰無偏無陂遵王之義無有作好遵王之道無有作惡  
遵王之路無偏無黨王道蕩蕩無黨無偏王道平平無反無側王  
道正直會其有極歸其有極曰皇極之數言是彞是訓于帝其訓  
言謂天也夫斯之謂至言先生輔相皇極之言非其撰乎或曰何  
執子之阿于師也擬倫之大也曰非敢爲大也道一也夫道一而  
已矣何其大天一而已矣氣一而已矣人一而已矣庶民于帝其  
自然一而已矣白沙先生自然之學與天一也奚其大或曰子之  
一言自然是吾之感慕其大然則老莊無得之矣曰老莊人爲之私

也奚其自然子謂天地之德日月之明四時之序鬼神之幽于帝  
之訓非自然乎先生之不用安排非自然乎昔者橫渠張子曰人  
知道爲自然而不知自然之體明道程子曰用智則不能以明覺  
爲自然又曰必有事焉而勿正心勿忘勿助長元無絲毫人力夫  
無人力者自然之學也皆灼見夫至道者也奚其惑是故君子能  
見自然之體而自得之是亦至人己耳言發乎自然渾乎與天無  
作是亦至言己耳韶陽太守豹谷陳子大綸學於余而深知乎白  
沙之學者欣然梓布之以爲不教超山衆見者也甘泉子曰善哉  
陳子之志也吾將與子相勉乎至人之道入至言之訓默而成之  
以歸於無言然後爲至學也孔子曰予欲無言四時行焉百物生

爲天何言哉夫無言者教之至也作至言序

嘉靖貳拾陸年丁未夏陸月貳拾陸日

賜進士出身資政大夫前南京兵部尚書奉

勅叅贊機務國子祭酒翰林侍讀同脩國史經筵講官

賜一品服八十二甘泉翁門人湛若水頻首謹書

白沙先生至言卷之一

夫道以天爲至言請乎天曰至言人請乎天曰至人必有至人能立至言堯舜以至周孔其至矣下此其類孟大賢歟

終日乾乾收拾此而已矣斯理也干涉至大無內外無終始無一處不到無一息不運是故會此者天地我立萬化我出而宇宙在我矣得此欄柄入手更有何事往古來今四方上下一齊穿紐齊收拾隨時隨處無不是這箇克己色色信他本來何用爾手旁脚攘乎舞雩三三兩兩正在勿忘勿助之間曾點此見活計被孟子一口打併出來便都是鳶飛魚躍若無孟子上夫驟而語之以曾點見趣一似說夢會得雖堯舜事業只如一點浮雲過目安事推

測乎此理包羅上下貫徹始終滾作一片都無分別無盡藏改也  
自茲以往更有分殊處合要理會毫分縷析義理儘無窮工夫儘  
無窮

夫學有由積累而至者有不由積累而至者有可以言傳者有不可  
以言傳者夫道至無而動至近而神故藏而後發形而斯存大抵  
由積累而至者可以言傳也不由積累而至者不可以言傳也知  
者能知至無於至近則無動而非神故藏而後發明其發矣形而  
斯存道在我矣是故善求道者求之易不善求道者求之難義理  
之融液未易言也操存之灑落未易言也夫動已形者也形斯實  
矣其未形者虛而已虛其本也故虛所以立本也戒慎恐懼所以



閑之而非以爲害也然而世之學者不得其說而以用心爲者多矣斯理也宋儒言之備矣吾嘗懼其太嚴也使著於見聞者不睹其真而徒與我哢哢也是故道也者自我得之自我言之可也不然辭愈多而道愈窒徒以亂人也君子奚取焉

人與天地同體四時以行百物以生若滯在一處豈能爲萬化之主耶古之善學者常令此心無物處便運用得轉其學以自然爲宗可不著意理會乎

一直一切真得其門而入者無遠弗届也

賜谷始見萬物畢見而居於廊屋之下學牛不知也忽然夜半起振衣四十丈羅浮之間引肘於扶桑之暉亦光在海底儼如書日仰

見群生不知其爲夜半此無他有蔽則闇無蔽則明所處之地不  
同所遇隨以變况人易於蔽者乎耳之蔽昏目之蔽色蔽鼻以  
臭味蔽四肢以安佚一掬之力不勝群蠶則其去禽獸不遠矣於  
此得不甚恐而畏乎知其蔽而夫之人欲日清天理日明羅浮之  
於扶桑也溺於蔽而不勝人欲日勝天理日明節屋之於亭午也  
二者之機間不容髮在乎思不思耳不畏之間耳

學以自然爲宗忘已爲大以無欲爲至即心觀妙以揆聖人之用  
觀於天地日月晦明山川流峙四時所以運行萬物所以化生無  
非在我之極而思慮不能機端且得緩行乎日用事物之中以與  
之無窮

朝夕與論名理凡天地間耳目所聞見古今上下載籍所有無所不語所未語者此心通塞往來之機生生化化之妙非見聞所及將以待世卿深思而自得之非敢有愛於言也

爲學莫先於爲己爲人之辨此是舉足第一步熟味此詩則晦翁所以教人之意可默契矣

但得心存斯是敬莫於存外更加功夫大抵學者多病助長爲多晦翁此詩其求藥者歟

孟子說平旦之氣最爲有功於學者

學問大總腦處要見見則便自快活這豈肯向前下面節節推去無非

箇道理

最怕不善思索氣難道

治心之學不可捉太緊失了元初體段愈尋道理不出又不可太慢則流濫無所歸

孟子曰待文王而後興者凡民也若夫稷卨之亡雖無文王猶興大丈夫其可以凡民自處而不以稷卨自任乎

士大夫出處去就分明已占了好田地豈能向學求向上着不枉費浮生歲月豈不抵掌而爲之三昧乎

平生學問多是因循過了今已是四下已上後來歲月能復幾何思量此身未及誠實哀痛虛生浪死何異於世然謂之全無所得不可謂真有所得則是欺人今對好朋友不敢如此開口恐見得不

熟友誤了別人故近年以來所接之人能尚名節者已是第一等人物平日所論只在此上更去不得此不是不忠於朋友自己既不敢誤人在彼又無確然相向之意故只得隨時應付然細思之實是已不得今日與克恭別未知再會之期若不後端言之使克恭終身事業只是以名節結果孤負了好美質蹣過了好時節如此則是其之罪也

人要學聖賢畢竟如何要去學他若道只是箇希慕之心却恐未稍未易湊泊卒至廢弛若道不希望聖賢我還肯如此學否思到如此見得箇不容已處雖使古無聖賢爲之依歸我亦住不得如此方是自得之學

心地要寬平識見要超卓規模要闊遠踐履要爲實能是四者可以言學矣

待人接物不可揀擇殊甚賢愚善惡一切要包他到得物我兩忘渾然天地氣象方始是成就處

人心上容著一物不得才著一物便有碍且如功業要做固是美事若心心念念只在功業上此心便不廣大便是有累之心不待做不去時被他惱方是累只初間要去做時便已偏了此與世間嗜酒色者不同其爲有累則一是以聖賢之心廓然若無爲感而後應不感則不應又非獨聖賢如此人心本來體面皆一紋只要養之靜便自開大

氣質美者固是美然有不純所以又有學以填補之如勇者多強其所不知以爲知強其所不是以爲是若能克之以廣大養之以和平去其勇之病全其勇之善何遠不至哉

光正謂天下無盡非之理脩己常自點檢直到十分是處不可強執已見惟在虛以受人

人無氣節不可處患難無涵養不可處患難如唐之柳宗元不足道也歸退之平日以道自尊潮州一貶便也撐持不去如共太顛往來皆是憂愁無聊急急地尋得一人來共消遣此是無涵養

淵源接輿輩後人溺於富貴者見孔子道他不是却以藉口如何得他肯肯他雖偏過於高後人偏淪於污他猶不失爲漸之上九後

米籍口者却是晉之九四一則鴻漸于陸一則晉如碩鼠鴻也鼠也何異雲泥之相懸隔耶

學者須先理會氣象氣象好時百事是當此言取可玩味言語動靜便是理會氣象地頭今未須說聖賢且如一人到面前動作粗俗言語無序縱有其誠意亦不能入人此是氣象不好若舉止從容言語簡重雖無甚誠意動人人亦不敢輕他此便是氣象好然人拘於稟賦不同或有正當好人與人交接不問生熟肝膽與之言開心見誠人反不信他以為謗已此則失於無序若能克去辨急為和緩發激烈為和平則大有功亦遠過之遠也非但氣象好而



君事未嘗不欲人入於善苟有求於我者吾以告之可也強而語之  
必不能入則棄吾語於無用又安取之且衆人之情既不能受人  
之言又必別生支節以相矛盾吾猶不舍而責之益深此取怨之  
道也不可不戒

莊孔陽家貧既無以爲養又其親命之仕便不得自遂其志應魁止  
於貧而已若能進退以道甚佳至於貧不得已爲祿而仕亦無不  
可但非出處之正使人不樂與孔陽承親之命殊科蓋非以此籍  
口不如此則逆親之命以全己志殆非所安尹和靜一日告伊川  
曰吾不復仕進矣伊川曰子有母在尹歸以此意告其母其母曰  
吾知汝以善養安知汝以祿養乎尹遂得不仕若孔陽之親能如

尹母則可以和靜黃孔陽矣聖賢處事無所偏主惟視義如何隨而應之無往不中吾人學不到古人處每有一事來斟酌不定便多差却隨其氣質剛者偏於剛柔者偏於柔每事要高人一着做來畢竟未是若律以道均爲未盡到了只是成就一偏之善而已非聖門之大全也

看利害不免開口告人此淺丈夫也伊川平生與東坡不合至於成黨自來未嘗向人道及真無愧於斯言矣

立志不可不遠且大然於天下之事亦須量力爲之有所志大心勞力小任重鮮不敗事此語可玩味

晉夫子設教洙泗博文約禮之訓夫豈獨朱子之願得聞之三千之

徒莫不預聞焉卒之啓手足得正而斃子曾子之外果誰歟使於  
大夫猶有煩夫子鳴鼓而攻之者七十子之不負夫子幾何哉  
使顏子而壽能有夫子於至神之城其報夫子有矣使四代禮樂  
見用於天下夫子之澤單被一世顏氏所事之報又何加焉由是  
言之弟子之於師能不背其道能推其說以及於人皆報其師之  
大者也

泰山爲高矣泰山頂上不屬泰山堯舜事業也只是一點浮雲過目  
夫自生民以來功業之盛孰有過於堯舜者也程夫子何獨以爲  
易而輕之耶誠以道之全體初無不該心之大用初無不貫故曰  
語大天下莫能載焉語小天下莫能破焉詩云鸞飛戾天魚躍于

淵言其上下察也學者果能默契乎此知日用之間一動一靜一語一默無非是堯舜事業何必位九五統六合布德行仁履歷斯世而後爲大哉自夫三代以降聖學之人邪說並興道始爲不明七情交熾人欲橫流道始爲之不行道不明故雖日誦萬善極羣書不害爲未學道不行故雖普濟群生一匡天下不害爲私其於吾心無不該之全體固未嘗覩其彷彿則於吾心無不貫之大用又豈能望其藩籬哉今試語於衆曰堯舜事業只是一點淨雲過目聞而疑者百一其不疑者十九惟其不疑故卒不信何則疑而後問問而後知之真則信矣故疑者進道之萌芽也信則有諸已矣論語曰古之學者爲己孟子曰君子深造之以道欲其

自得之也又曰反身而誠樂莫大焉夫道雖極於高妙而實不  
於人之心泛而議之若隱而難知近而驗之其顯而易見蓋學者  
主於靜以觀動之所本察於用以觀體之所存動靜周流體用一  
致然而識之然後知浮雲一點信非虛語而吾日用之所出者固  
浩浩其無窮也如此則知足在我俛焉日以孳孳無入而不自得  
其進豈可量哉

其南母之野人也嘗力於耕矣請以田事爲喻可乎方苗之始植也鋤耨之歛土之易即吾心之放而收焉者也苗之既植其土未固時而灌溉之欲其生意之浹洽即吾心之迷者復日涵泳乎義理之中以滋養者也及乎苗之向碩穗旣凝矣尤要浹其土使熟而

稂莠之去也遂絕各豈非吾心既復之後戒謹恐懼之不忘使非  
僻勿得以干焉者類耶自始至終循其序而用力爲無欲還之  
心則未耜之田與吾方寸之田一施之無二道也然盡力於耜耜  
之田者其獲美稼盡力於方寸之田者其獲豈直美稼哉孟子  
窮則獨善其身達則兼善天下所謂收其入吾身之府庫克己  
是也出其餘天下之沛澤隆焉者是也而何其悅於彼者十九  
於此者百一耶吁有由然矣夫五谷與麴蘖孰美必嘗而鳴嚙  
然後知其正味之可好否則未有不爲狂藥之所勝而棄爲也  
今之自棄其心者皆是也

白沙先生至言卷之二

孔子曰十室之邑必有忠信如丘者焉不如丘之好學也後世而聖門以學者衆矣語忠信如聖人鮮能之何其與夫子之言異也夫子之學非後世人所謂學也後之學者記誦而已耳詞章而已耳天之所以與我者固懵然莫知也夫何故載籍多而功不專其有亂而知不明宜君子之憂之也

師者傳此也學者學此也由斯道也希賢亦賢希聖亦聖希天亦天立吾誠以往無不可也此先王之所以爲教也舍是而訓詁已焉漢以米陋也舍是而辭章已焉隋唐以來又陋也舍是而科第之文已焉唐始濫觴宋不能改而波蕩於元至今又陋之餘也夫士

何學學以變化氣質求至乎聖人而後已也求至乎聖人而後已也而奚陋自待哉

夫子太極也而人有不具太極而生者乎

語以四科稱群弟子由漢以來儒者以言語稱者幾人以政事稱者幾人以文學稱者幾人其間足以方駕古人而絕塵於當世者亦鮮矣况德行乎顏子超然有見於卓爾之地所以遨遊乎聖人之方而玄同乎聖人之神者非可揣摩而得也故其言曰夫子步亦步趨亦趨夫子奔軼絕塵而回則瞠乎其後微顏子其孰能知之親切如是夫苟從事於斯雖未即優入顏域亦庶乎閔冉之間而由來有不屑爲者矣孟子曰鵠鳴而起孳孳於善者舜之徒也鵠



鳴而起擊擊爲利者跖之徒也夫三尺童子聞人稱其善則喜稱其惡則怒是何心哉

夫人之去聖人也遠矣其可望以至聖人者亦在乎脩之而已苟能脩之無遠不至脩之云者治而去之之謂也去其不如聖人者求其如聖人者今日脩之明日脩之脩之於身脩之於家國脩之於天下不可一日而不脩焉者明道先生言於朝曰治天下以正風俗得賢才爲本彼學政之不脩節道之難立後生無所興起無以成造就之功然則風俗何由而正賢才何自而得耶

予少無師友學未得其方沮洳於聲利支離於批糠者蓋久之年幾三十始盡棄舉子業從吳聘君遊然後始覺迷途其未遠歟於是

而昨非取向所沒改而支離者洗之以長風湯之以大波懣懣焉  
惟恐其苗之復長也坐小廬山十餘年間履跡不踰于戶闕倪端  
莘莘以求少進于古人如七十子之徒於孔子蓋未始須臾忘也  
學校一也所以有今古之異者存乎人孔子曰古之學者爲己今之  
學者爲人程子曰古之仕者爲人今之仕者爲己夫學以求仕之  
所施仕以明學之所蘊如表裏形影然臯夔稷契伊傅周召其載  
於典謨訓誥仕者之所施也有爲己之心乎顏曾思孟周程張朱  
其傳於著述文字者學者之所蘊也有爲人之心乎諸君子顯晦  
不同易地而處之有不相能者乎自古有國家者未始不以興學  
育才爲務然自漢而下求諸學校之所得名世者幾人有不由座

序而興者乎是故學校之設其重在於得人學之道其要在於爲  
已古之名世者舍是無以成德甚矣斯學之不講於世也久矣  
天地間一氣而已誠信相感其變無窮人自少而壯自壯而老其悲  
歡得喪出處語默之變亦若是而已孰能久而不變哉變之未形  
也以爲不變既形也而謂之變非知變者也夫變也者日夜相代  
乎前雖一息變也况於冬夏乎生於一息成於冬夏者也夫氣上  
蒸爲水下注爲瀾氣水之未變者也一爲雲一爲瀾變之不一而  
成形也其必有將然而未形者乎然而識之可與論易矣

古今學者不同孔子以兩言斷之曰古之學者爲己今之學者爲人  
古今仕者不同程子以兩言斷之曰古之仕者爲人今之仕者爲

已古之人人也今之人人也一也判而兩之其不可同者如陰陽  
晝夜則有其故矣聖賢之所以示人也知微之顯知顯之微學爲  
己也其仕也爲人學爲人也其仕也爲己斷不疑矣

三月二十七日碧玉樓午睡夢出貞節門外大水一老人抱衣浣於  
前歌曰法好人莫傳衣好人莫穿良久又歌曰西子蒙不潔  
過者疾趨而爭先雖有惡人齋戒沐浴被服明鮮以祀上帝行  
周旋與世駢肩吁是何夢耶將有應于後學爲之兆耶抑夢幻  
無同異端之說從而稽之因妄求妄不可耶

道至大天地亦至大天地若可相侔矣然以天地而視道則道爲天  
地之木以道視天地則天地者太倉之一粟滄海之一勺耳由是

與道侔哉天地之大不得與道侔故至大者道而已而君子得之  
一身之微其所得者富貴貧賤死生禍福曾足以爲君子所得乎  
君子之所得者有如此則天地之始吾之始也而吾之道無所增  
天地之終吾之終也而吾之道無所損天地之大且不我邀而我  
不增損則舉天地間物既歸於我而不足增損於我矣天下之物  
盡在我而不足以增損我故率然遇之而不驚無故失之而不介  
舜禹之有天下而不與烈風雷雨而弗迷尚何銖軒冕塵金玉之  
足言哉然非知之真存之實者與語此反惑惑則徒爲往妄耳  
爲學須從靜中坐養出個端倪來方有商量處林緝熙此紙是他向  
來經歷過一箇功案如此是最不可不知錄上克恭黃門若未有

入處但只依此下功不至相誤也

吾才不逮人年二十七始發憤從吳聘君學其於古聖賢垂訓之書  
蓋無所不講然未知入處比歸沙杜門不出專求所以用力之  
方既無師友指引惟日靠書冊尋之忘寢忘食如是者亦累年而  
卒未得焉所謂未得謂吾此心與此理未有湊泊融合處也於是  
舍彼之繁求吾之約惟在靜坐久之然後見吾此心之體隱然呈  
露常若有物日用間種種應酬隨吾所欲如馬之御銜勒也體認  
物理稽諸聖訓各有頭緒來歷如水之有源委也於是渙然自信  
曰作聖之功其在茲乎有學於予者輒教之靜坐蓋以吾所經歷  
且何實效者告之非務爲高虛以誤人也

錄示張東白詩且疑我更號逃禪不能擺脫此語聞之不覺失笑執  
事固愛助我者請問今所疑於我如此果何自來耶若出於東白  
未可據也東白蓋我昔論學書中一二語偶未深契而想料至此  
從而疑之竊恐未爲至論只如此詩者偶讀宋文鑑和得半山詩  
數首論者云陳公甫喜荆公輩人直如此草草我平生得無巴鼻  
之謗多類此可恠也

孟子見人便道性善言必稱堯舜此以堯舜勉人也橫渠見人便告  
以聖人之事此以聖人望人也吾意亦若是耳竊附孟子橫渠之  
後彼何人哉有爲者亦若是是文王我師也周公豈欺我哉區區  
之意在覽者深思而自得之旣以寄民澤

水舊

字亦以告有志於門

下者咸得自勵而日勉焉非但爲美言以悅人也

此學以自然爲宗者也承諭近日来頗有湊泊處譬之適千里者起脚不差將來必有至處自然之樂乃真樂也宇宙間復有何事故曰雖之夷狄不可棄也今世學者各標榜門牆不求自得誦說雖多影響而已無可告語者暮景侵尋不意同志之人托區區於無窮者已不落莫矣幸甚幸甚

李世卿書來問守臺者某以民澤告之冷焰迸騰殆出楚雲之上蓋以勉世卿使求諸言語之外如世卿可惜平生只以歐蘇輩人自期安能遠到賢即在病可徐徐而來眼中未有能奪公楚雲手段也



茂澤去冬十月一日發來書言旬日川間風體甚大耳著此二難  
何患不到古人佳處也吾自去秋感疾迄今尚未平昔好讀書  
傾病輒叩天願少假之年今虛閣之木且拱吾何求哉其未忘者  
衡山一念而已皇皇靈芝一年三秀予獨何爲有志不就其可念  
也夫其亦可嘆也夫

前車謂學貴知疑小疑則小進大疑則大進疑者覺悟之機也一番  
覺悟一番長進某初學時亦是如此更無別法也凡學皆然即此  
便是科級學者消循次而進漸到至處耳

傳曰道在通而求之遠事在易而求諸難人曰行之而不著焉習矣  
而不察焉終身由之而不知其道者衆矣聖賢教人多少直截分

一曉而人自不察索之渺茫求諸高遠不得其門而入悲夫

知廣大高明不離乎日用求之在我毋泥見聞優游厭飲久之然後  
可及也

出處語默咸率乎自然不受礙於俗斯可矣

凡天損之來吾無以取之可以言命矣

飛雲之高幾千仞未若立於空中與此山平置足其巔若履平地  
四顧洒然左爲奇絕此其人內忘其心外忘其形其氣浩然物莫  
能干神遊八極未足言也聖羅浮之將甚樂第恐心有所往情隨  
境遷則此樂亦未免修樂耳

儒與釋不同其異與同也太靈尚能見我於衡山否耶

古之爲士者急乎實之不至今之爲士者急乎名之不若周子曰賢  
勝善也名勝耻也其竊願與諸公共勉焉若夫往來音問之有無  
各隨所感應之宜疏疏宜數數不過乎情不弛乎敬惟當乎時義  
焉耳此之謂易也

白沙先生至言卷之三

宇宙內更有何事天自信天地自信地吾自信吾自動自靜自閑自  
關自舒自卷甲不問乙供乙不待甲賜牛自爲牛馬自爲馬豈於  
此應於彼發乎邇見乎遠故得之者天地與順日月與明鬼神與  
福萬民與誠百世與名而無一物奸於其間嗚呼太哉前哲之錫  
視軒冕塵視金玉此蓋各言之以諷始學者耳人爭一個當歸處  
使我大而物小物盡而我無盡夫無盡者微塵六合瞬息子子星  
不知愛死不知惡尚奚暇銖軒冕而塵金玉耶

禪家語初看亦甚可喜然實是籠侗與吾儒似同而異毫釐間便分  
霄壤此古人所以貴擇之情也如此辨所見大體處了了如此開

者安能不爲之動但起脚一差至到前面無歸宿無準的便日用間種種各別不可不勘破也更將中庸首尾緊要處沉潛默看落

人具七尺之軀除了此心此理便無可貴渾是一包膿血裹一大塊骨頭飢能食渴能飲能着衣服能行淫慾貪賤而思富貴富貴而貪權勢忿而爭鬩而悲窮則盜竊則淫凡百所爲一信血氣老死而後已則命之曰禽獸可也

夫人之生陰陽具焉陽有餘而陰不足有餘生驕不足生吝受氣之始偏則爲害有生之後習氣乘之驕益驕吝益吝驕固可罪吝亦可鄙驕與吝一也不驕不吝其庶幾乎

張乎同乎同其心不同其迹可也同其歸不同其入可也入者門也  
歸者本也周誠而程敬考事先致知先儒恒言也三者之學於聖  
人之道孰爲適孰知之無遠適歟周子太極圖說聖人定之以中  
王仁義而主靜問者曰聖可學歟曰可孰爲要曰一爲要一者無  
欲也道書云不專一則不能直遂不翕聚則不能發散是爲一  
而嘆其善學曰性靜者可以爲學二程之得於周子也

歲云暮矣冬雨連屢平僵爲危商旅不歸號寒啼饑窮民怨咨嗟  
何爲將以遺所思所思在遠道天寒日短誰爲致之不如待時時  
維仲春陽道既亨萬物得時和風披披人情熙熙博采衆芳汎汎  
輕航駕言出遊不泥一邦雲龍風虎其傳自古而德之所被公梓

化之如赴壑之水汨汨洋洋不亦深乎嗚呼天下未有不本於自然而徒以其智收顯名於當年精光射采世者也易曰天地變化草木蕃時也隨時出信與道翔翔固吾儒事吾志正行乎倚歟哉

予書每於動上求靜故而不放留而不留此吾所以妙乎動也得志形骸危而不憂此吾所以保乎靜也法而不囿肆而不流拙而愈巧剛而能柔形立而勢奔焉意足而奇溢焉以正吾心以陶吾情以調吾性此吾所以游於藝也

感應之機捷於影響

予不私於親非子也士不明於義非士也賢者審擇內外取舍一

以事其親愛日之誠而無不及之悔在我而已

君與親一也在親爲親在君爲君世寧有篤於親而遺其君者乎

讀書非難領悟作者之意執其機而用之不泥於故紙之難也

不得師傅口授終無自悟之理是章庵亦云提耳而誨之可使不識一字之凡夫立造神妙

嘆此學寥寥世無人整頓之士習日見頽靡殊可憂也

吾人以不專之學方其爲之也因莽榛畧而不自知又何怪乎古人之不可及也推之凡事莫不皆然

吾人所學正欲事事點檢今處一家之中尊卑老少咸在繞膝檢着便有不由己者仰之以義則弗和舒之情於此處必欲事理至



當而又無所忤亦甚難矣如此積漸日久恐別生乖戾非細事也  
爲學當求諸心必得所謂虛明靜一者爲之主徐取古人緊要文字  
讀之庶能有所契合不爲影響依附以陷於徇外自欺之弊此心  
學法門也

易所謂復其見天地之心乎此理洞如然非涵養至極胸次澄徹則  
必不能有見於一動一靜之間縱有揣摩祇益口耳所謂何思何  
慮同歸殊塗百慮一致亦必不能深思而自得也

宜一一洗條昔之習氣煥然一新所謂濯去舊見以來新知也  
一從事於學功深力到華落實存乃浩然自得則不知天地之爲大  
死生之爲變而況於富貴貧賤功利得喪誠信與奪之間哉

吾暮齒不忘于學猶日與二三子周旋考德問業其中庶幾其少有得焉

賢人屈伸在道

有劉氣者常伸於萬物之上

求靜之意反隱園之未見其可若遂行之祇益動矣愚在其能靜耶  
論李廣射石沒羽曰至誠則金石可開又舉莊子語云置之死地  
無事不辦此理殊可悅顧今老矣惟日孳孳豈能及也

百錢自喜貧者說金學能以此自檢其過人遠矣

斬釘截鐵工夫當自力但須由其道耳由其道而往無遠不至也  
虛已極難若能克去有我之私當一日萬里矣

道無往而不在仁無時而或息天下何思何慮如此乃至當之論也  
聖人立大中以教萬世吾儕主張世道不可偏倚壞了人也  
進脩在我成我者天也

自古未有足於道而不足於言者也學人言語終是鶻套

當其境與心融時與音會俱然而適然然而安物我於是乎兩忘死  
生烏得而相干富貴非樂湖山爲樂湖山雖樂孰若自得者之無  
愧怍哉

利乃衆人之所趨義則君子之所獨

有開厥先有威厥後善三美之駢臻超八荒而獨立然後見夫子之  
門邈然洞開可望而不可即況於廣大尊嚴端凝洒落默契乎人

心正大之所存與山岳而並峙顯著乎烟霞歲月之所積與天化  
而同流不可動搖不可束縛也哉

以無所著之心行於天下亦壽往而不得哉

白沙先生至言卷之四

我道非空亦非小萬事含梅終未了

元氣之在天地猶其在人之身盛則耳目聰明四體常春其在天地則庶物咸亨太和網緼

朋友求可與言者不可得世味之移人者不少大者文章功業然亦爲道之障爲其溺也

事未撥諸道徒人言是狗奚可哉

平生問學一事極索理會不可悠悠人一身與天地參立豈可不知自貴重日與逐逐者伍耶

惟一味守此並信古人所謂自得者非虛語日夕與二三友討論所

未至亦殊不厭惟有志者少薄俗振作尤難日邁月征良可憂耳  
羅先生柱門廣昌張內翰會講西山克恭闢書齋於後園靜坐其首  
不以病廢學者乎

神理爲天地萬物主本長在不滅人不知此虛生浪死與草木一耳  
病而至此當大爲休置縱未至灑脫漸省擾亂幸而天年未盡復  
從此覺悟神理日著非小益也

因言以求其心攷迹以觀其用故人之深淺畢見矣

由憑養以及致知先據德而後依仁下學上達日新又新啓勿助勿  
忘之訓則有見於鸞魚之飛躍悟無聲無臭之妙則自得乎太極  
之渾淪

撒百氏之蒲籬於六經之關鍵于焉停于焉收歛靈臺洞虛一塵不染浮華盡剝真寶乃見皞然鳴琴一回一點氣蘊春風之和心將太古之面其自得之樂亦無涯也

天下非誠不動非才不治誠之至者其動也速才之周者其治也廣才與誠合然後事可成也孔子曰如有用我者暮月而已可也三年有成聖人過化存神之妙雖不可一二窺測天下不動不治動以治之聖人與學者一爾未有不湏誠以動不湏才以治者也

子像添離開仕對曰吾斯之未能信聞以夫子爲的者也夫子不能使之仕何則人之知己不如己之自知苟未信也師不能強於弟子

爲賢者有曰自立開戶者是流於禪學者甚者則曰妄人率人於僞者姑以迹之近似者言孔子教人文行忠信後之學孔氏者則曰一爲要一者無欲則靜虛而動直然後聖可學而至矣所謂自立門戶者非此類歟佛氏教人曰靜坐吾儒亦曰靜坐曰惺惺吾儒亦曰惺惺調息近於教息定力有似禪定所謂流於禪學者非此類歟吾在京師適當應寇養和之初前此克恭亦以病去二公皆能審於進退者也其行止初無異於吾亦非吾所能與也不幸其迹偶與之同出京之時又同是以天下之責不仕者輒涉於吾其責取証於二公而吾自己丑得病五六年間自汗時發母氏加老是以不能仕耳則責吾以不仕者遂下可非所謂妄人率人



於偽者又非此類歟。

其晦也。不久則其光也不大。其拙也不甚。則其信也不長。物理固亦  
有然者矣。後規於矩。雖工師不能使之合。雖官於羽。雖師曠不能  
使之。一何則。方圓之體不同。緩急之聲異也。

夫道知語默進退而不失其正焉耳矣。

胡文定公平生出處。未嘗謀於朋友。如人飲水。冷暖自知。

受朴於天。弗繫於人。稟和於性。弗淫以習。故七情之發。而爲詩雖匹  
夫匹婦。胸中自有全經。此風雅之淵源也。而詩家者流。矜奇駭能。  
迷失本真。乃至句鍛月煉。以求知於世。尚可謂之詩乎。晉魏以降。  
古詩變爲近體。作者莫盛於唐。然已恨其拘聲律。對偶窮年卒。

歲爲江山草木雲烟魚鳥粉飾文貌蓋亦無補於世焉若李杜者  
雄峙其間號稱大家然語其至則未也儒先君子類以小技目之  
然非詩之病也彼用之而小此用之而大存乎人天道不言四時  
行百物生焉往而非詩之妙用會而通之一真自如故能樞機造  
化開闔萬象不離乎人倫日用而具飛魚躍之機若是者可以  
輔相皇極可以左右六經而教無窮小技云乎哉今之名能詩者  
如吹竹彈絲敲金擊石調其宮商角徵爲霓裳羽衣白雪陽春稱  
寡和雖非韶護之正亦足動人之聽聞是亦詩也吾敢置不足於  
人哉

聖賢之言見於方冊而讀之節其可者次其不可者直截勇往日

進不已古人不難到也但恐將心太高著蹟太奇將米成飯結巢  
處既非庸常資料所及而予素寒鉅胡能追攀逸駕仰視九霄之  
上

君子之使人也由其誠不強其所不能諸公即居子虛字所能也  
居虛山以奉諸公之教非予所能也

吾聞之六經夫子之書也學者徒誦其言而忘味六經一糟粕耳猶  
未免於玩物喪志學者苟不但求之書而求諸吾心察於動靜有  
無之機致養其在我者而勿以聞見亂之去耳目支離之用全虛  
圓不測之神一開卷盡得之矣非得之書也得自我者也蓋以我  
而觀書隨處得益以書博我則繹卷而茫然

古者王畿置小學於辟雍之側其在侯服邦國則列於庠序之右今之郡縣學古之大學也今之社學猶古之小學也天下風俗美惡存乎人人之賢否存乎教觀今之風俗則今之人才可知矣予嘗終夜思之其不及古者有司非與庠序之設六經之訓固在也以小學言之朱子小學書教之之具也社學教之之地也其皆不可無也天下之事無本不立小學學之本也保自然之和禁未萌之欲日就月將以馴致乎大學教之序也然則社學之興在今日正淑人心正風俗扶世教之第一義也胡可少哉

父兄不以其言爲子弟師業脩於身子弟習而化之其爲教也不一因其世能養異焉耳農工商技藝各有教豈直士哉世首之

文武周公道大行於天下孔子不得其位澤不被當世之民於此  
進七十子之徒於杏壇而教之擇善力行以底于成德其至也與  
天地立心與生民立命與往聖繼絕學與來世開太平若是者誠  
孔子之教也大哉教乎今父兄愛其子弟教以六經誦之也惟恐  
其寡之不熟講之也憊忘其旨之不明似矣不知其身之所教與  
七十子之進於聖人同歟否耶

神在天下其間以至顯稱者非以其權歟夫聰明正直之謂神威  
福予奪之謂權人亦神也權之在人猶其在神也此二者有相消  
長盛衰之理焉人能致一郡之和下無千紀之民無所用權如水  
旱相仍疫癘間作民日涸涸以干鬼神之譴然權之用始不窮矣

夫天下未有不源權以治者也神有禍福人有賞罰矣於此得於彼神其無以禍福代賞罰哉果道顯人道勝古今有識所憂也中庸曰致中和天地位焉萬物育焉說者謂吾之心正天地之心亦正吾之氣順天地之氣亦順鳴呼孰能信斯言之不誣也哉

孔子曰言忠信行篤敬雖蠻貊之邦行矣以此而盡吾心則庶政無不修用人無不當理財無不富治兵無不強不知乎此而欲徒恃其末議後世以法刼制天下區區之爲也

行聖人之道有二術內之曰心外之曰權無其心則權爲挾私妄作矣無其權雖有其心將安施哉今天用行伍之人取其長不責其僻有止過以圖其功可也或者過於求實一疵不貸而用舍弗張

矣今天理財拾遺獲之秋非常賦取之民故推牛醢酒豐犒厚  
事非以醉飽爲德所以作士氣也顧小利而忘其大體者則朝夕  
與小吏計牙籌算其餘矣

古聖賢以民德歸厚必曰追遠又曰宗廟之禮所以序昭穆也序爵  
所以辨貴賤也序事所以辨賢也旅酬下爲上所以逮賤也燕毛  
所以序齒也廟始遷之祖而祭之古之制不可考已君子隨時變  
易以不犯其分而得其心蓋人情出於天理之不容已者夫何讓  
歟古之仕者世繼死者有廟生者有宗恩相慶而死相弔百世不  
相忘世降俗偷蓋有不然者矣邨第之雄田園之美肥甘饕餮肥  
妻子祖考所棲與蟲鼠爲伍殘膏賸髓何有及之其鄙陋汚穢可

勝道哉中古之王天下者嘗爲卿大夫作家廟以魂之卿大夫猶  
然况士庶乎先世之風流餘韻至此幾絕以吾之一身散而爲百  
體拔其一毛而心爲之痛是孰使之然哉且人之賦於天命者有  
賢不肖貧賤富貴之差吾之所以仁愛者未能皆然貧賤不薄於  
骨肉富貴不加於父兄宗族者誰乎故曰收拾人心必原於此  
子幼時讀孟子人少則慕父母知好色則慕少艾有妻子則慕妻  
仕則慕君不得於君則熱中大孝終身慕父母五十而慕者三於  
大舜見之矣竊疑孟子之言抑揚太過愛親入子之至情也不待  
教而能不因物而遷人之異於聖人也豈相懸絕若是耶此弱冠  
求文於四方多識當世之士僕先嘗者能者而師之其不可及而



改諸內外輕重之間照以孟子之論其役志於功名其徇情於妻子其思慕其親其不以皓首而媿垂髫者希矣然後信孟子之知道不苟於言也

庚寅秋月予自京師歸適踰一載是夕天氣稍涼予讀易白沙之東房既倦而臥夢與應魁敗元克恭黃門同行一童子前導不識者一人次之次克恭次余應魁塗遇泥潦予呼童子取行其童子不應余因曰越人歌之楚人聽之應魁夢嘆不置克恭顧予作愁狀其不識一人者漠然若無所聞焉既悟測其意曰越與楚風氣不同人之聲音隨而異必不能相通而相好使越人歌之楚人聽之亦猶使楚人歌之越人聽之也孰若使越人歌之越人自聽之楚

人歌之楚人自聽之其音習於其耳其言感於其心奚不相說之  
有是故越不可爲難矣亦不可爲越越與楚不相能非有生之初  
習使然耳習之久殆與性成夫苟欲變之非百倍其功持之以久  
不可使化而入今若以爲越者一人驟而號於楚地曰去而爲楚  
者以從我楚人得不群怒而逐之手然則何如曰守其爲越者無  
逐責楚以必同庶乎其免矣

白沙先生

卷之五

天下事物雖然前陳事之非我所自出物之非我所素存卒然舉而加諸我不屑者視之初若與我不相涉則厭薄之心生矣然其有所不能已物必有所不能無米於吾前矣得謂與我不相涉耶夫子謂不義而富且貴於我如浮雲謂薄不義也非薄富貴也孟子謂舜視棄天下如敝屣亦謂重愛親也非謂輕天下也人心萬里完具事物雖多豈非在我此身一到精神具隨得吾得而得之耳夫吾得而失之耳厭薄之心胡目而生哉巢父不能容一瓢飲陵不能禮漢光此瓢此禮天下之理所不能無君子之心所不能已使二人之心果完具亦焉得而忽之也若曰物吾知其爲物耳

事吾知其爲事耳勉焉舉吾身以從之初與我不相涉比之醫家謂之不仁昔人之言曰鉢視軒見塵視金玉是心也君子何自一得之哉然非其人與語此反惑惑則累之矣或應曰是非所謂君子之心也君子之辨也曰然然無君子之心徒有輕重之辨非道也

或曰道可狀乎曰不可此理之妙不容言道至於可言則已涉乎迹矣何以知之曰以吾知之吾或有得焉心得而存之口不可得而言之比試言之則已非吾所存矣故凡有得而可言皆不足以言得曰道不可以言狀亦可以物乎曰不可物固於形道通於物有目者不得見也何以言之曰天得之爲天地得之爲人也人得之

爲人狀之以天則遺其狀之以地則遺人物不足狀也曰道絃不可狀斂曰有其方則可舉一隅而括其三隅狀道之方也據一隅而及其三隅按狀之術也然狀道之方非難按伏之術實難人有不知彈者曰彈之形似弓而以竹爲弦使其知弓則可按也不知此道之大告之曰道大也天小也軒冕金玉又小也則能按而不惑者鮮矣愚故曰道不可狀爲難其人也

易上繫曰安土敦乎仁子曰寓此樂于此身於此聚精會神于此而不容或忽是謂之曰君子安土敦乎仁也比觀泰之序卦曰復而泰然后安又曰復得其所則舒泰泰則安矣是泰而后可安也夫泰通也泰然后安者通于此然后安于此也然九二曰包荒用馮

河是何方秦而憂念即興也九三曰艱貞無咎則君子于是時愈  
益恐恐然如禍之至矣是則君子之憂于其所豈直泰然而無所  
事哉蓋將兢兢業業惟恐一息之或間一念之或差而不敢以自  
暇矣或曰君子不已勞乎應曰乾之象曰天行健天之循環不息  
者健而已君子執虛如執盈入虛如有人未嘗以懈者剛而已夫  
豈勞哉君子何爲不暇乎

君子一心足以開萬世小人百惑足以喪邦家何者心存與不存也  
夫此心存則一一則誠不存則惑惑則僞所以開萬世喪邦家者  
不在多誠僞之間而已耳夫天地之太萬物之富何以爲之也一  
誠所爲也蓋有此誠所有此物則有此物必有此誠則誠在人何

所具其於一心耳心之所有者此誠而爲天地者此誠也天地之  
大此誠且可爲而君子存之則何萬世之不足開哉作俑之人旣  
惑而喪其誠矣夫旣無其誠而何以有後邪

天道至無心比其著於兩間者千惟萬狀不復有可同至巧矣然皆  
一元之所爲聖道至無意比其形于功業者神妙莫測不復有可  
加亦至巧矣然皆一心之所致心乎心乎其一元之所會乎蒼  
公扶王室者也桓文亦扶王室也然周公身致太平祗被後世桓  
文戰爭不息禍戕于身者桓文用意周公用心也是則至拙莫如  
意而至巧莫如心矣孟氏學聖人也齊王不忍見一牛之死不有  
孟氏不知其巧也蓋齊王之心即聖人之心聖人知是心之不可

害故設禮以預養之以爲見其生而遂見其死聞其聲而遂食其肉則害是心莫甚焉故遠庖厨也夫庖厨之禮至重不可廢此心之仁至大不可戕君子因是心制是禮則二者兩全矣巧莫尊焉齊王之心一發契乎禮齊王非熟乎禮也心之巧同也聖人誅民害而進之四裔四裔之民奚罪焉亦曰戮之則傷仁存之則遺害故聖人之仁有權焉使之遠禦魑魅則害去而惡亦不得施矣夫人情之欲在于生聖人即與之生人情之惡在于死聖人即不與之死惡衆人所惡也聖人即逆除裔夷惡難施也聖人以殺惡聖人一舉而迭中聖人未嘗巧也此心之仁自巧也而聖人用之故天下有意于巧者皆不得用其間矣周公金縢一發大信皆主以



後世事觀之至巧矣周公豈有意耶亦任心耳

退之雖賢不及孟子孟子不肯任尺直尋退之以書干宰相予固不得會孟而學韓也

三十年妄意古人之學最說交騰如水底撈月恨不及與克恭論之今自謂少有見處得其門而入一日千里其在茲耶

每讀宋史至曹彬克金陵一事未嘗不對卷歛衽而嘆趙太祖之仁與曹武惠之不伐也蓋自出師以至凱旋士衆畏服無敢輕肆克城之日兵不血刃凡所得一十九州三兵一百八十縣可謂有功矣武惠視之若無有也後至祥符相賀太祖泣曰宰相分割民受其禍攻城之際必有橫催鋒刃者實可哀也命出米一萬賑卹之

當是時君不知以得地爲喜將不知以克敵爲功一念好生之仁  
洋溢上下自秦漢以來未及見也史臣稱武惠位無將相不以等  
威自異遇大夫士於塗必引車避之不名下士噫何其謙之至也  
易曰勞謙君子有終吉武惠有之今後山之役信有功於民矣諸  
公豈自與耶此賊近之省城民遭其毒者幾半于茲前此有司固  
有任其咎者矣夫以今日平盜之功補前日禦武之不及正相乘  
除在於仁人君子之心視民如傷豈容有彼此先後之間哉夫上  
之治民當休戚同之夫久病者不以得一日之安而棄補瀉之劑  
病飢者不以得一飯之飽而忘終歲之憂執事試求之百姓其樂  
之情而忘其在已必能以損太祖之所存者愛民以普武惠之所

存者處功則光明者在光明矣

不知其人而好之畏其人之加已而勿與之爭自古未嘗有此也是故始求之深以取困太易所以凶凶恒也言不離乎道行不迷乎躬出處語默去就之權操而用之必繫乎義奇如是榮辱之至自外者斯任之而已

始者期民澤九月入羅浮四百仙峯依舊見之但不在脚底耳又云恐進退未決不立背水陣終難勝敵

人出處進退去就之節不可苟也非但不可苟仕亦不可苟止始者公由端陽入省獲任之初枉棹白沙獲聞仕止之言大絕塵步驟固知不與凡馬同然不謂得意而往超然脫其銜勒一息萬里如

是速也相逢蓋道休官去林下何曾見一人非靈澈寄常丹詩郎  
流傳世間識者嘆之執事真無負斯言哉

心寓於形而為主主失其主反亂於氣亦疾病之所由起也今人惟  
知形體之爲害而不知歸罪其心多矣心之害大而急者莫如忿  
爭夫有所不平然後爭爭至於忿斯不平之至而氣爲之逆逆則  
病生矣雖所致疾之由寒暑飢飽勞佚失節居多而此之弗謹實  
吾自爲之不可不知也

人生幾何徒以難得之歲月供身外無益之求弊弊焉終其身而不  
知悔惜哉

草木之品在花桃花於春菊花於秋蓮花於夏梅花於冬四時之花

臭色高下不齊其配於人也亦然蒲岳似桃陶元亮似菊周元公似蓮林和靖似梅惟其似之是以尚之惟其尚之是以名之

更望元養心氣臻極和平勿爲豪放所奪造詣深後自然如良金美玉畧無瑕類可指摘若恣意橫爲詞氣間便一切飛沙走石無老成典雅規矩蕩然

草木之精氣下發於上爲萼華率謂之化然水陸所能妍媸高下美惡不等蓋萬不齊焉而人於其中擇而愛之凡欲其有益於事非愛之而溺焉者也產於此邦曰素馨者氣清而體白郁郁盈盈可掬可佩貫四時而不凋供一賞而有餘亦花之佳者也

世之論人物者觀其外而遺其內以是爲非以非爲是者多矣在人

自審處何如古人不必盡賢於今今人不必不如古但當自勉其  
難勿輕自恕

嗚呼二氏之生其相去且千載韓故相國休之孫女莊雷郡庶人妻  
貴賤雖殊其死於義一也心事如青天白日皎乎其不可尚鮮氣  
如大冬覆雪凜乎其不可犯是豈嘗學問之功哉是豈嘗聞君子  
之道於人哉亦發於其性之自然耳今之誦言者咸曰餓死當  
小失節事極大故此二氏乃能之學者不能於此然則從事於詩  
書反無所益彼之弗學乃能不壞其性何邪是必有所以然者  
止於誇多閭靡而不知其性為何物變化氣質為何事人欲日肆  
天理日消其不陷於禽獸者幾希矣

尚友古人求矢一心進以禮退以義不受變於時俗近之則可親遠而望之益光

地由人勝不勝誰傳周茂叔濯纓於濂溪而世濂溪程叔子著書於龍門而世龍門朱晦翁講道於考亭而世考亭

諸君或聞外人執異論非毀之言請勿相聞若事不得已言之亦須隱其姓名可也人氣稟習尚不同好惡亦隨而異是其是非其非使其見得是處決不至以是爲非而毀他人此得失恒在毀人者之身而不在所毀之人言之何益且安知己之所執以爲是者非出於氣稟習尚之偏亦如彼之所執以議我者乎苟未能如顏子之無我未免是已而非人則其失均矣况自古不能無毀盛德者

猶不免焉今區區以不完之行而冒過情之譽毀固其所也此宜  
篤於自脩以求無毀之實不必以爲異而欲聞之也昔呂蒙正拜  
副相一朝士指之曰此子亦參政乎同列欲詢其名遽止之曰知  
之當終身不忘不如勿聞賢者所存固異於人也

天下之事成之惟在威信威信一立無事不可爲苟無威信則無其  
本難乎其立政矣

不邀人敬不受人慢大抵情不可過會不可數抑情以止慢疎會以  
增敬終身守此然後故舊可保

碧玉樓卧病踰半月忽得手札讀之喜甚遂忘其病也

學無難易在人自覺耳才覺退便是進也才覺病便是藥也眼前月



友可以論學者幾人其失在於不有覺耳

昨夕接上聞雨聲淋漓睡不能著枕因檢會鄉里平時往還人十七八中間年及七十者才一二餘皆六十而下四十最晚死者極多嗚呼

人所得光陰能幾生不知愛惜漫漫虛擲卒之與物無異造物所賦於人豈徒具形骸喘息天地間與虫蟻並活而已耶浮屠異學亦必以到彼岸為標準學者以聖人為師其道何如彼文章功業氣節世業營之入在人立志大小何如歲月固不待人也

於乎勢利為市朋交道絕昔人所能者例不可望於俗輩政之號不足於余固其所矣惜予貧且賤無以副政之請此昔人所謂旋渦

底佛安能救落水雞漢不然余之所欲濟與所識未濟於余者多矣豈獨政哉

予嘗愛看子美后山等詩蓋其難健也若論道理隨人深淺但須筆下發得精神可一唱三嘆聞者便自鼓舞方是到也

嗜沽可與共飲而不飲彭澤公田之釀古之混於酒者如是與獨醒者不相能而同歸于正雖同歸于正而有難易焉醒者抗志且迷醉者歸光內映謂醉難於醒則可今之飲者吾見其易耳元非泥於酒而飲者也嗚呼安得見古醉鄉之迷以與之共飲哉

凡觀人者審於愛惡去就取舍之間足以見之矣

自以與鳥獲而不與童子應情辭乎力也彼夫天下之事

而作者患恒少不慮而作者患恒多千里之足不蹶於遠金萬里之舟不虞於大水其才足以勝之非不慮而作者也使之不以其誠任之而過其分與自欺而誤人者其失均耳

天下有任大責重而祿位不與者苟能勝之則至大至通無方無體故能為天地立心為生民立極為往聖繼絕學為萬世開太平所謂建諸天地而不悖質諸鬼神而無虧百世以俟聖人而不惑此其分內也宇宙無窮誰當負荷

意所到性處非乘雲馭風身不可得而至窮之乎山川妻之乎宮宇曠之乎歲月當食食忘當寢寢忘一有感乎外而動乎中終日視而目不瞬必言乎化外不化而內化以言乎情則哀而不傷至矣

乎非子之於親則臣之於君過而不過其秋梁公數梁公仕唐在  
武后朝以一身繫唐宗社之重扶陽抑陰光復唐祚事載蘭冊昭  
若日星夫梁公可謂有大功於唐矣賢者識其心自望雲一念中  
秉故曰求忠臣必於孝子之門

夫孝百行之源也通乎神明光乎四海死而大聖也孟子稱之曰孝  
弟而已故君子莫大乎愛親

夫士能立於一世或以道德或以文章或以事功各以其所長其也  
處語默進退去就不能皆同亦不期於同也

欲理會著述及諸外事故若且行禮令我潔潔淨淨非全放下終難

妄自非察陽語乎

詩本溫厚和平深沉婉密然後可望大雅之庭不獨作詩爲然也  
當道知人無難也惟行其所知善有則惡有懲則公道明美惡雜居  
賢者羞與不肖者伍設若有如陶元亮者傲睨於其間其肯爲五  
斗米折腰而不去耶

白沙先生至言卷之六

賢者之愛人也期于德不賢者之愛人也期于姑息憂其憂無憂人之憂其亦有以異乎蒙菴官于朝也則行乎朝憐菴居山林也則行乎山林蒙菴欲以其道施諸人僕猶未免於自治其不能無憂一也在已在人則殊耳

自古進退不決於內則其形於外依違可否之間而欲入之不我疑不可得也

醉以溷俗醒以行獨醒易於醉醉非深於易者不能也漢郭林宗晉陶淵明唐郭令公宋邵堯夫善醉人

文章功業氣節其皆自涵養來歟三者皆實學也惟大本不立徒以

三者自名所務者小所喪者大雖有聞於世亦其才之過人耳其  
志不足稱也學者能辨乎此使心常存內見理明後自然成就者  
大矣論語曰朝聞道夕死可矣孔子豈欺我哉

公謂應鸞不如鳳凰即如引裾折檻請劍斬佞臣頭埋輪都亭將壞  
白麻而搥哭凡若此類疑閣下小之而不爲耳至如明刑弼教保  
任皇極以壽國家無窮之脉其次抑邪與正彰善癉惡必行已志  
不爲利誘障百川而東之回狂瀾於既倒此宜無不在我者顧猶  
有掣肘之歎耶

推之欲其高反之欲其實用心於內者如是  
需者事之賊見幾而作不俟終日可也

國家安危所繫視用人何如耳如兩廣之地雖遠然用人小大得失  
事體則無二致人才有無顧作興何如耳

使內不遺於親外不貳於君進退取舍繫於義此古人難之非直今  
日也

言詞不能盡人詞氣足以見人有諸內形諸外識者觀之思過半矣  
故嘗謂文字之學非也學豈在是耶

當以古之立言者自期彼汲汲於人之贊毀無病而呻吟若是者亦  
何足與論斯理也

君子之事親也盡其在我者不必其在人者苟吾之所爲不畔乎道  
不惑乎義則其爲孝也大矣



論詩者常論性情論性情者先論風韻無風韻則無詩矣今之言詩者異於是性情佳矣風韻自佳性情不真亦難強爲之說

大海從魚躍長空任鳥飛吾以待時之人可也聖人不爲也吾以待門人子弟不已薄乎

古之人處老有道處病有道處死有道夫子曰朝聞道夕死可矣其處死之道乎

知富貴果不足慕貧賤果不足羞功利得喪屈信予奪一切果不足爲累天地之爲大死生之爲變自得者果不可得知而奮乎百世之上興起百世之下孟軻氏果不予誣其所恃者蓋有在也故士必志道然後足以語此

本始必正遠邇必明同異必審卑而不援高微而不附彰不以貴易  
親不以文覆愆

君子所以報其親蓋自有其大者顧吾之所立何如耳

彭澤不折腰於督郵平湖不屈膝於富道樂則行之憂則違之古今  
一揆也

韓子云恨入山之不深入林之不密去煩入靜當亦有漸乎  
其在困也不自卑而失守其處尊也不藉勢以微利

人之遂其生養者若赤子之慕慈母人之免於塗炭者若枯槁之遇  
春風

竭股肱之力而効臣節之職旁引善類以扶天地之元氣大明公道

以壽國家之命脉

賢才用世大小有補長筇下山可以撐拄群龍在朝可以參伍羣聖  
仲尼與世爲矩矱較不行然後去魯好高欲速爲戒千古

君子之窮小人之幸

樹立大者不羈小節其行翩翩其光烈烈

予獨畏子感激而慷慨其本如此故變而至善也去故習如脫屣而  
人之望之也若斯鴻天路之翱翔

士之可貴者不于其身之彰于其志之戒不戒而彰匪事之常憾而  
弗彰庸或可傷惟其不待生而存故不隨死而亡夫既信其如此  
又焉論其行藏

聞善必錄遇惡必推存而知亡過而能裁隨時變化有闔有開  
顏子之壽過於彭祖王公之樂不如匹夫

我不枉已君無鑿坏

費而不傷壞而有成同百里之聲存萬世之經

可已而已不可已而不已引而伸之觸類而長之於道其庶幾乎治  
國其庶幾乎

無導於前而所立卓然人莫能奪之

君子但無愧於心而已禍福之來有命

易曰初筮告再三瀆瀆則不告此敬者之事夫豈有所隱哉

谷部督府曰別奉鈞帖命縣月給米一百發夫二名不敢當執事所

稱通野誠隱進士如今日之賜使進等受之宜也其不受未見其讓之過也某何敢自列於古之名流哉吾無寸善可以及人有田二頃耕之足以自養而又受賜於當道以自列於古之名流其怠於自脩亦甚矣

答朱都憲曰假令僕疾愈可以出矣而忘親之老豈人之情也哉在親爲親在君爲君無所往而不然矣夫天下之理至於孝而止矣中無定體隨時處宜極吾心之安焉耳若昔之李密是也密被徵時密之心蓋自按安於事劉則止爲中而行非中也今若槩以聖賢出處之常責密以必仕恐非密之心密之心天理之時中也僕今自處亦欲無愧於密耳

予遠有衡山之約去東山非甚遠他日東山漁釣之暇尚能索我於  
朱陵洞中否耶

謂劉東山云採民水火之中惟恐其不早也貪官汚吏侵漁百姓甚  
於盜賊此而不除雖有良法美意孰與行之

交游中有不勸人進者乎其獨不然是以退爲進也

論孟古義讀之炳然其長於造語發揮神采脫去時之凡陋也今之  
爲舉業者能如此亦何害其爲時文也文章與世運升降孰能留  
心於此乎

江右蒲泉諸公以幣聘先生主白鹿之教先生辭之曰鄙人非不欲  
斯道之明也學焉而不得其術其識昏以謬其志弱以小其氣之

斂其行息肆其文落莫而不章歲月侵尋老將至矣其於聖賢之道非且不能至而已其所求於其心措於其躬者亦若存而若亡雖欲自信自止而不可得況以導人哉

比歲閩南京有孫孔陽者能自樹立於辭不一雷同今人語心竊喜之稍就而閩焉果出奇無窮及退取陶謝少陵諸大家之詩學之或得其意而亡其辭或得其辭而遺其意或弄辭意而失之其所謂風生董輿終欠一洗之力

詩真是難作文字亦然古文字好者都不見安排之迹一似信口說出自然妙也其間體制非一然本於自然不安排者便覺好如柳子厚不及韓退之只爲太安排也

白沙先生至言卷之七

詩不用則已如用之當以神會得之未可以言盡也到得悟入時隨意一拈即在其妙無涯每見所作只是潦草如忙中應事無味可味

得定山三月九日書云於是月告病不識此機後之早晚在考察前尚有一分之說在考察後則更無說矣拙詩六百年將滿日公亂不成詩易曰見幾而作不俟終日竟何謂哉據如是殆不可開眼衡山之行吾其可已耶聞定山考察前公告病南京吏部倪尚書不爲達遂以老疾退可惜

辭氣然又自然達實爽快特有猶硬處不類此情性所發在平日致



養到醇細處則發得又別

詩不必作不必不作道固爾也

表侍御能納善言寂不易得

韓退之稱孟東野無田而衣食詣親左右無遠泥混與世相濁獨其  
心追古人而從之時周蓋有之矣時周別去益以時周平生發歷  
之難大畧與我同而又過之求之古人如徐節孝者真百煉金孝  
子也

東山先生愛百姓如已子百姓戴之如父母徧觀當世未見有如此  
者

予凡於公卿之門惟淨身敬盡禮而已不敢隨衆亦走以習其詞其

有賜於我者既於家中拜受更不進謝

近苦憂病相持無以自遣尋思只有虛寂一路又恐名教由我而壞  
佛老安能爲我謀也

以心馭氣之術試效立見矣但日用應接之煩不免妨奪而工夫不  
精

絢等之在門牆其意未相接也徒以名分相繫爲美談耳雖然賢於  
吹雪者多矣廣収而勿拒小過而大遺其諸全交際待衰俗之意  
乎

貫之自罰也必一年而後復者過之小大爲限復深責望之昭仁可  
義殆亦孔門鳴鼓之遺意歟子曰由也升堂矣未入於室也逮其

四十五  
晚年進德極於高遠未必非此門人之助而由之名光於後世矣  
則貴其可悔哉

予自成化辛卯秋九月以來絕不作詩值興動輒過之至今年夏四  
月余病小愈扶杖出門俯仰上下欣慨于心師友代凋知己悠遠  
殆亦不可爲懷及乎中堂童子絃歌蹶然感中情危境逼因緣成  
聲

詩以道性情故不論工拙然亦當審其所發也曾子曰出辭氣斯遠  
鄙倍矣鄙則凡俗倍則背理二者有一焉皆爲辭氣之病非君子  
所安也周子曰言之無文行之不遠猶然發之如鳴鶴鳳如調琴  
瑟如奏金石十載之下聞者不知予之無之是之謂之者不在辭

氣之閒乎得之非易言之實難  
惟我先聖孔子道高如天德厚如地教化無窮如四時民到于今賴  
之

詩之工詩之衰也言心之發也形交乎物動乎中喜怒哀樂於是乎  
形之聲或疾或徐或洪或微或爲雲飛或爲川馳聲之不一情之  
變也率吾情蒸然出之無適不可有意乎人之贊毀則子虛烏有  
歸巧夸富媚人耳目若俳優然非詩之教也甚矣詩之難言也李  
伯樂見王通而論詩上陳應劉下述沈謝四聲八病剛柔清濁  
不畢究而王通不答薛收曰吾嘗聞夫子之論詩矣上明三綱下  
達五常於是微有亡辨得失小人歌之以貢其俗君子賦之以見

其志聖人采之以觀其變今予之言詩是夫子之所痛也

夫詩小用之則小大用之則大可以動天地可以感鬼神可以和上  
下可以格鳥獸四時行焉百物生焉皇王帝霸之褒貶雲月風花  
之品題一而已矣

昔人求哀辭於林希謝之書有曰君子無苟於人患其非情也夫感  
而哀之所謂情也情之發而爲辭辭之所不能已者凡以哀爲之  
也苟無其哀矣則又惡以辭爲哉此之謂不苟於人也

余頃居京師二年間從貴公卿游入其室見新故卷冊滿案其言書  
謁者之辭就而閱之凡以其親故求挽詩者十恒八九而莫不與  
也一或巨之則絕然矣其絕然而且爲怨也而欲與之書者也

哉噫習俗之移人一至於此亦可嘆也天下之僞自茲可憂矣  
吾鄉稱先達以文行教後進百餘年間黎秋坡一人而已與余連里  
第余之生也後不及侍其門弱冠與潘齋之子益游始拜潘齋  
余以秋坡事纒纒此豈一日忘其師者耶

外海之南山山之坡陀有石延袤丈餘下可容一榻光宇築爲室石  
旁樹松竹往往造其間危坐杖歛爲持敬之學又於白沙築小室  
三間命曰昇樂以爲閒業之所至則商論彌月而後返用心良苦  
時人無有能窺其際者惟密交林光與余知之

若光字者困而益堅老而愈壯危至而知惕樂矣而不淫可謂篤信  
有守者矣其於伍氏所謂無替而有光者其在斯人歟其在斯人

歟

顏淵問爲邦孔子斟酌四代禮樂告之顏淵處士也何與斯理耶居  
陋巷以致其誠飯一瓢以求其志不遷不貳以進於聖人用則行  
舍則藏夫子作春秋之旨不明於後世矣後之求聖人者顏子其  
一的平時乎顯則顯矣時乎晦則晦矣語默出處惟時立苟也哉  
七百死命歸農何致群兇之納欵州亡州復在民何關於公之一念  
動於此應於彼然而觀之一生生之機運之無窮無我無人不  
無今塞乎天地之間夷狄禽獸草木昆蟲一體惟吾命之沛乎盛  
哉程子謂切脉可以體仁仁人心也克是心也足以保四海不能  
克之不足以保妻子可不思乎

丁侯爲縣六年卒于官。歷觀我邑令自洪武迄今，求丁侯未有其人。仕不爲已耻，以俗吏自居。姑至著禮式一編，擇立鄉都老各數人，使統之俗淫於侈靡，富者殫財，貧者鬻產，上無以爲教，下無以爲守。俗由是益壞。鄉都老以禮正之，每歲按民丁產輸錢，謂之均平錢。上下交侵，民受其害。侯量入爲出，歲輸以還，使民不知有役民甚賴之。時有橫徵虐民，必寢定肩曰：「守令之政在養民，坐視其困而不救，安在其養民也？」乃請罷之，維以此得罪不恤也。

縣令官卑，刑賞不加於天下，而尺下治忽由之，知遠之近，知風之自，知微之顯，故予嘗謂侯有用世才。其有所談笑，夫豈苟哉？侯以仕爲樂，政暇必走白沙，往還歲月內，不知其幾。顧何取於白沙耶？其



矣人不可無志也正其誼不謀其利明其道不計其功侯亦無所  
不顧學而切於救民急先務也死之日耕者吊於野行者吊於途  
有老嫗夜哭於其廬旦往問之云嫗何哭之哀也曰閏歲後且至  
死者不可作已

自有邊患以來狼吞虎噬以殘民之生人所知也湯沸火烈以殘民  
之性人未必知也顛沛流離死生利害昧于前而父子失其親見  
笏失其愛鼓之以閭閻之風置之於水火之地則五品之倫五常  
之性與生俱滅誠不可不懼也

白沙先生至言卷之六

衛靈公問軍旅之事孔子辭以求學曰俎豆之事則嘗聞之矣自今  
觀之昔者軍旅之興雖以拯民亦以弊民弊民之政孔子所不忍  
言豈得已哉今地方寧謐文教聿新俎豆之事安可一日而不講  
耶邑長俎豆其政而忠信發之學宮俎豆其教而忠信道之諸士  
俎豆其志而忠信體之皆端而俗正教立而風行民樂生而好亂  
者息生有耻而慕義者衆則刑罰可省禮義可興國圉可空于戈  
可戢守令之責盡矣

白沙之西山則圭峯也東北連數山蒼翠勝者為綠護屏屏之南有潭  
淵然曰聖池下蟠蛟龍龍嘯氣成雲變化萬狀大潭取其紫也雲

取其變也。索者其本乎？變者其用乎？野馬也，塵埃也，雲也是氣也，而雲以蘇枯澤物爲功，水以動爲體，而潭以靜爲用，物之至者，妍亦妍，姪亦姪，因物賦形，潭何容心焉？

一善可善也，吾書之，吾畏多言也，信多乎哉？不多也。傷俗之益偷，吾無位也，言不能化，而入惡在乎？多言也，善者吾斯進之而已矣。

潘某氏者，南海之著姓，老而無子，曰：吾無繼可也。兄弟之子，猶子也。同吾胞者，幾人繼其世者？若干人？可以執豆蓬，可以守宗廟，可以事繼述，而傳無窮矣？吾何憂？吾無繼可也。以其所有者歸之，祠以卒噫，茲可憫也已。若是者，其亦足與乎其無足與也？堯之時，比屋可封，降自後世，不以善而以利，父子也，而不用情，兄弟也，而謂子

塋婦姑勃饒朋友投劍者皆是也夫恒入之情莫甚於顧其私而  
不忘其後某也致孝乎祖禰委視乎兄弟其生也若遺其死也若  
虛非求焉於唐肆者歟

人各有所慕仁者慕親義者慕君士慕學農慕稼穡百工慕能商賈  
慕賢選有無慕者慕之至死而勿替乃至形乎動靜接乎夢寐通  
乎幽明皆性之所發而為情有莫知其然而然者此之求慕是也  
夫孰得而奪之彼初而慕壯而棄老而遂忘慕之不至而遷於物  
是之謂情其性非知內外輕重之別者也夫忠孝之推也不孝不  
親而忠於君古未之有也

伍光宇構亭于南山之巖以坐明年復於吾居第之左結草屋三間

與亭往來又明年而光宇死矣草堂之成光宇薙戒沐浴焚香更  
衣危坐厥明請余問曰雲不自知其力之不足妄意古聖賢人以  
爲師今年且邁矣不得其門而入不知其所謂樂尋常間自覺  
坐爲樂耳每每讀書言愈多而心愈用用不如不用之爲愈也蓋  
用則勞勞則不樂不樂則置之矣夫書者聖賢垂世立教之所寓  
也奚宜廢將其所以樂者非歟顧先生之教之也余復之曰大哉  
吾子之問也顧余何足以知之雖然有一說顧吾子之思之也周  
子程子大賢也其授受之旨曰尋仲尼顏子樂處所樂何事豈  
時也第子不問師亦不言其去仲尼顏子之世幾千百乎今去周  
子程子又幾百年爲乎果此從而求之仲尼飲水曲肱顏子簞食

陋巷不改其樂將求之曲肱飲水耶求之陋巷耶抑無事乎曲肱  
陋巷而有其樂耶吾子其亦慎求之毋惑於坐忘也聖賢垂世立  
教之所寓者書也用而不用者心也心不可用書亦不可廢其爲  
之有道乎得其道則父助失其道則交病願吾子之終思之也仲  
尼顏子之樂此心也周子程子此心也吾子亦此心也得其心樂  
不遠矣願吾子之終思之也

有以風木圖請記夫孝子之事其親視於無形聽於無聲致愛則存  
致慈則著著存不忘乎心矣存歿間哉吾聞之曾子再仕而心再化  
曰吾及親仕三釜而心樂後仕三千鍾不洎吾心悲弟子問於仲  
尼曰若參者可謂無所縣其罪乎曰旣已縣矣夫無所縣者可以

有哀乎彼視三釜三千鍾如燕雀蚊虻相過乎前也今夫欲之弗  
逮養曾子悲之侯亦悲之侯之心曾子之心也若曾子可謂盡意  
矣奚事於圖乃若孔子則以爲子之養其親期於適焉耳苟至乎  
適雖聖人不能以有加也遑問其他具足於內者無所待乎外性  
於天者無所事乎人又非但事親一事爲然也一以貫之其所緝  
孝非常所緝常所緝者豈其養厚其葬生之封死之贈而已耳嗟  
夫今之士夫異於古之士夫也其所稱孝率以是爲至美吾惡聖  
賢之意不明於後世也孝經曰立身行道揚名於後世以顯父母  
孝之終也

世道升降人有仕其貴者君臣是也予少讀宋史謂宋之君臣是

盛時無精一學問以誠其身無先王政教以新天下化本不二時  
措莫知雖有程明道兄弟不見用於時迹其所為不過漢唐之間  
仰視三代以前師傅一尊而垂垂盛歆訕既出而世道亨之若臣  
何如也南渡之後惜其君非撥亂反正之主雖有其臣任之若事  
邪議得以問之大志弱而易挽大義隱而弗彰豈敢玩愒國計日  
非往往坐失機會卒不能成恢復之功至於善惡不分用捨倒置  
刑賞失當然憤生禍和議成而兵益衰歲幣多而民愈困如久病  
之人氣息奄奄以及漢宗之世則不復惜為之捧卷出涕志復  
觀之矣孔子曰人之生也直問之生也幸而免劉文靜廣之以詩  
曰三衛一秦國風沉人道方幸見境侵生理本直宜細玩善惡



有在人心噫斯言也判善惡於一言決興亡於萬代其天下國家  
治亂之符驗歟宋室播遷慈元撥創于邑之崖山宋亡之日陸丞  
相負心帝赴水死炎元師退張太傅復至崖山遇慈元后問帝所  
在慟哭曰吾忍死萬里間聞至此正爲趙氏一塊肉耳今無望矣  
投波而死是可哀也

五變之頌竊願公忘之昔者斷藤峽凱歌適足爲韓公之累此廣石  
之後所以有煩於今日諸公也安地方復民業惟公留意焉

北門園池之勝孰與潭州山泉先生富焉之惠孰與弘農公今且使  
病夫爲邵堯夫乎爲戴顒乎病夫得附驥尾爲羊城添勝迹於後  
代豈假言哉彼數百金之產不啻與人顧公之昔未易耳病夫平

生山水稍瘳得來年服闋後來藥羅浮訪醫南岳上下黃龍洞嘯  
歌祝嘏幸少償夙願

北門園池之賜聞者以爲美談某不祇以一時服名累左右耒耜二  
通謹封酌平生山水情欲償之餘年

後山禍機久伏使謹於微則無今日之役今首惡既誅暫停搜捕之  
師宜慎玉石之辨於疑似不決者寧詘法以信恩此則天地好生  
之仁子孫享無疆之慶

吾又履危地以老母在堂不自由耳近遣人往衡山問彼田里風俗  
尋胡致堂住處古人託居必有所見儻今日之圖可速老脚一登  
祝融峯不復下矣是抑託以畢吾生非事遊觀也三年之喪在人

之情豈由外哉今之人大抵無識見便聞得甚愛人道好怕人  
道惡識世事不得正坐此耳五羣心事實諸鬼神焉往而不忒  
然也耶

海北汪提舉向慕亦切作懷沙事於海上此外有脩古書院於香橋  
之作所費不少恨無以成就之耳

自古賢人出處不同世多譏之此豈衆人所能識哉

順德人誇李世卿由具欲臣王積兩性李世卿由我多言王季子曰愛  
人者人憐愛之敬人者人恒敬之今之愛人者人惡之敬人者人  
侮之與古不同置之勿復道矣

書中所制平胡去乾其亦收率爾書二時事體所關萬一有止

者非但欲存忠厚而已俟更得詳說新詳  
是非不難見也

白沙先生至言卷之九

出處與遇患兩事此重則彼輕足下之論情矣但須觀今日事勢所  
關輕重大小的以淺深之宜隨時小信與道消息若居直微服言  
順處自然無有凝滯孔子曰知我其神乎今以衆人有滯之心  
窺聖人至神之用恐其不似也

某平生拙學於出處語默有不密不致其違者不敢不告也儒教  
行之文間嘗一二為之而不以違為常道者一則嫌於上交一則  
恐其難繼守此戒來三十年餘矣

但去買米人不知所說不被所惑流俗之負約者一切宜置之  
以明於左右夫利乃經人所趨者則君子所獨異一以我故

於民非細事也

顧德小邑治之不難而有難者其誠乎誠則不言而民信無爲而化  
成觀於明道先生治縣則可知用智之不足貴矣

司馬公作相欲除諛官而難其人問於伊川先生不對公曰出於口  
口入於耳耳何害伊川終不爲言之語默要自有當也若不問可  
否誰以相與之密而責之言伊川爲不忠矣

膏雨澤不測之變幾陷虎口矣不得已爲謁錄之行所以避之非出  
處本意也吾子其亦聞之否乎平生故人朱少保李閣老潘待詔  
往往寄聲以不能去離此邦爲懼假令見幾而作當不俟終言追  
悔其他特患不得時耳

棄禮提俗壞名教事賢者不為顧更推廣此心於一切事不令放倒  
名節道之藩籬藩籬不守其中未有能獨存者也

古之庶士資送其子有幣一犬而足者今犬之殖幾何谷者雖有百  
犬不以資送幣也犬不幣則耻之矣耻非其所耻何所不至甚矣俗  
之能移人也

賢者行己志惟恐一事不底于道

予嚴平謂人之戒久不可破文定從西方之教苟有得焉則能以四  
大形骸為外物榮之辱之生之殺之物固有之安能使吾戚戚哉  
公之治民如其治兵因應隨機初無定體其治兵也如文士作文寄  
生筆端無事而義安非使人受之而卒以取勝此皆公精神之所

之與之運人不可得親故尤不可得望可見者時之顯者耳

人家成立則難傾覆則易蓋子曰君子創業垂統爲可繼也若夫成  
功則天也人家子弟才不才父兄教之可固必耶雖然有不可委  
之命在人宜自盡是中有以彈然爲業者琴瑟雅樂也彼以之娛  
人而獲利既可鄙矣傳及其子託琴而衣食由是琴益微而家統  
因衰轉歲月幾不能生里人賤之耻與爲伍逐亡士夫之名此豈  
嘗爲元惡大憝而喪其家乎才不足也旣無高爵重業以取重於  
時其所挾者空時所不傳者也而又自賤其業之何其能立也大  
抵能立於一世必有取重於一世之術彼之所取者在我咸無之  
又不能立諺曰命也果不在我乎人家子弟不才者多才者少此



昔人所以嘆成立之難也

讀一之自罰帖所以喜三代之佩羊猶存也此集雖通鑒究其爲心  
蓋亦可憫且自罰之辭甚實其進固未可涯也若夫久居師席不  
能致門人於無過舉之地此則老夫之罪請附此於日錄算一過  
諸君其誌之

先師康縣遺稿其藏之十二年矣出入必偕天順初先師膺聘入京  
途中紀行諸作皆當日手書寄白沙凡七紙成化己丑春三月行  
李出北京是日次千折木之店以示東吳張聲遠鏤一見驚絕閱  
之竟日不月勝以手撫弄以口吟哦某憐之割一紙是歲六月過  
青江以手書問七師尚無恙否明年以懷書來求改又二年壬辰

二月豐城友人始以計來先師之葬在己丑十月至其三月歲暮  
鏤求跋語時屬饑寒一年矣嗚呼悲乎先師道德譽傾一世婦  
人小子知之華夏變貳咸知之平生愛一字一辭不以假人某之  
所得徒以一日在門下然誦其言想見其丰采而得其為人則宜  
其有惕然而感動然而興者矣某猶望此於百世之下況其邇者  
乎後生可畏錄其念諸

中間一簡告鄭先生以處貧之難五獨惜子賢之困於不足無所於  
謀也三旬九食亦昔人之常事必不已而于人雖謀於鄭先生可  
也而徒告之難鄭先生豈難於濟人者哉觀者疑焉

後生所急者何後生所畏者何轉瞬之間三十四年矣不自激昂

不自鞭策他日伎倆又似拙者模樣耳

白沙先生集卷之十三

千古在前萬古在後上下四方誰無宇宙賀太賢者其風必厚惡不  
道旁往來者觀昔人之交傾蓋如舊蓋不待傾金石亦透

人情之發惟怒為難忍之加惟忍為是絕情實難處逆非易當怒  
火炎以忍水制之文忍愈忍愈勵過一百忍為張公藝不亂大  
謀者乃有濟如其不忍傾敗立至

古人謂粗和粗和莊真傳砂哉一勺水積累成大川亦有非積累源  
泉自涓涓至無有至動至近至神而發用茲不窮絃藏極淵泉  
能擇其機何必規陳編學患不用心用心滋牽纏本虛形乃實立  
本貴自然戒慎與恐懼斯言未云偏後儒不肖事差失毫釐間害

語了心人素琴本無絃

聖賢又寂寞六籍無光輝元氣五百年一合又一離男兒生其間獨  
往安可辭逸哉遊與顏夢寐或見之其人天下法其言萬世師顧  
予獨何人瞻望空爾爲年馳力不與懸鏡嘆以悲豈不在一生一  
生良遲遲今復不鞭策虛浪死勿疑請回白日駕魯陽之正揮  
元神誠有宅瀨氣亦有門神氣人所資孰謂老氏言下化圖其上  
化歸其根至要云在茲自餘安足論

可以參兩門可以垂萬世聖人與人同聖人與人異堯舜於舞雩氣  
象一而已大者苟不存翩翩竟美取老夫嘗自力茲以告吾子文  
三寶情中百凡可以止一落求不似年光逝鏡水

我否子亦否我然字亦然然否苟由我於子何有焉人生寄一世落  
葉風中旋胡爲不自返溺水迷清淵

神往氣自隨氣爲神初沐賢聖一切無此理何由調調性古所聞然  
然兼穆穆恥獨不耻獨第根萬葉充

漢漢黃庭陶珊瑚鐵橋水字宙幾千年洞天今有主借問主爲誰  
生乎湛乎

聖人之學惟求盡性性即理也盡性至命理由化遷化以理定化不  
可言守之在教有一其在中養吾德性

千休千歲明了一一切妙若也不明了了心到頭反被懂懂捉

拈一不拈二乾坤一爲主一番拈動來日出扶桑樹怒怒都不拈江

河自流注瀛洛千載傳圖書乃宗祖昭昭聖學痛授我自默度  
天地無窮年無窮吾亦在獨立無朋儔誰爲自然配春陵造物徒斯  
人可神會有如壽厓者乃我之儔輩求結無情遊相期八紘外  
斷除嗜欲想永撤天機障身居萬物中心在萬物上

此詩亦但謂歲月流邁諸生學不加進故汲汲焉告之冀其有所底  
發而自憂耳至於末聯則爲我所以爲諸生憂若但如楊朱爲我  
而不恤人則彼楊朱何爲者耶於是終告之曰聞楊氏者孟子也  
豈若是褊哉道固爾也及復言之不過使學者知吾之憂出於當  
然而不容已則其所當自憂者將惕然於中而亦不容已也乃作  
詩首屬意於此訂頑紇焉或此吾在何處於今我與自任孟何之

重耶記語類所載文公力疾與學者語勉瘠見而止之文公曰除是楊朱不理會人我即不曾學得楊朱亦此類也

少年作老人語詞氣終別詩貴融通妙密若未理會得明白處遂然語此其蠟等也夫

昔魏野送寇忠愍之詩云好去上天辭富貴歸來平地作神仙當是時寇公自求興召入其志方銳於事爲野遽止之故寇公不悅後來通州始著此詩於壁間朝夕諷誄之論者以是善野之言而以寇公之始終爲可議夫君子出處去就之義固未可盡責之寇公輩而山人處士例以不出爲高故其所青望於人亦止以輕重貴爲第一等事則野之於寇公其相與之言如此亦宜



孔脩妙年如廷實所稱非悅首當世之人也萬一他日往來雲水之  
便庶幾一接其緒論以信吾廷實能知人善取友以爲快也

萬里雲間戍立馬劍門關亂山極目無際直北是長安人苦百年塗  
炭鬼哭三邊烽鏑天道久應還手馬留屯秦烟燭寸心丹對青燈  
搔白髮痛聲殘老來勲業未就妨却一身閑梅鎖綠陰青子滿潤  
清泉白石恠我舊盟寒烽火平安夜歸夢到家山石水調歌頭吾  
鄉先輩菊坡先生宋丞相清獻崔公鎮蜀時題劍閣即此詞也表  
夢拜公坐我於床與語平生仕止久速偶及之仰視公顏色可親  
一步趨聞不知其已翔翔於蓬萊道山之上欲從之上下而無由  
因請公手書公欣然命其奴輩鳴呼古今幽明一理人之所見則

有同異感而通之其要也耶其非也耶

余又有回龍寺夜坐詩云孤燭江邊寺疎鐘雨後天愁人知未夜遠  
客惜流年不買南安酒留充玉枕錢床風無意緒吹斷藥鑪煙弟  
三聯亦以玉枕而發東海乃不收入詩話中偶忘之耶東海平日  
自謂且隻眼能辨千古是非人物而近遺夫康齋又何也康齋易  
知耳予年二十七游小陂聞其論學多舉古人成法由瀛洛關閩  
以上遶洙泗尊師道尊禮節不屈不撓如立千仞之壁蓋一代之  
名家也其出處大致不假論然而世之知康齋者甚少如其壁在  
往議而太甚辟喙交競是非混淆亦宜東海之未祭也微君之蘇  
君今日之論則東海之康齋其爲晏覲多孔子乎了翁之伯也

意

不言則已言必欲其有益於別駕非相啖以利者也故不爲諛辭  
辭曰使君使民不厭其使君爲臣莫愛身使君不以榮落爲諛信  
死生爲戚忻而以嗜欲爲伐性之斧斤千秋萬歲難磨滅乃言  
流砥柱人

士而未聞道未免爲物撓註言知道則有主不爲物撓矣故曰知止  
而後有定

作詩尚平淡當與風雅期如飲玄酒者當用瓦爲卮

一詩可送方童子千鍊不如在定山註先生毋以鍛鍊推定山然元  
主自然天成之句定山亦舟車之歎云隨樂若輩須終勤周子通

書自不同

一語不道無極老十年無派考其翁語道則同門路別君從何處覓  
高踪

王市伯都歸盡雪月風花未了吟莫道金針不傳與江門風月釣  
臺深註金針借引以言心學也風月即道也又云如今老去還分  
付不實區區收帚錢跋云達磨西來傳衣為信江門釣臺亦病夫  
之衣鉢也茲以付湛生將來有無窮之祝珍重珍重

六經盡在虛無裏萬里都歸感應中若向此邊求得透始知吾學是  
中庸語戒慎乎其所不觀恐懼乎其所不聞不聞不聞虛無之體  
天下大本也感應則達道生焉

天地列兩儀其中位太極不悟名象生焉知畫則易伏羲古已亡圖  
書久晦蝕寄語山中入妙契在端默

大流無此奇偶值銀河傾願面銀河流免與世濁并一洗日月光再  
洗天地清何止天地清萬世無甲兵

孔子曳杖歌逍遙夢化後我夢已逍遙六字書在牖聖愚各有事說  
化一遭走問我年幾何春秋四十九死生若晝夜當還何必久即  
死無所憐乾坤一芻狗

天人一理通感應良可畏千載隕石書春秋所以示客星犯帝座他  
夜因何事誰謂匹夫微而能動天地

日月逝不處念思幾華髮聖顏亦笑矣所希在寡紅書歸絕周易錦

憂窮虞絃飢食玉臺霞酒飲滄溟淵

一度一萬劫飛空本無鐵何名爲飛空道是安排絕夜久天宇高  
清萬籟徹手持青琅玕坐弄碧海月

哀狄犯中國妻妾凌夫君此風何可長此恨何由申仲尼憂萬世作  
經因感麟往者宋元間適逢大運屯仰天渚者誰屈指張陸文臨  
事誠已踈哀歌竟云云一正天地綱我祖聖以神缺典誰表章厓  
山莽荆榛寥寥二百年大忠起江濱慈元廟繼作爛快崖山雲遠  
者陽江尹一念何精勤作祠此崖山兩廟存三仁大封赤坎墓昭  
昭愜衆聞深悲魚腹冷一躍海門春厓海風波隔陽江面目新自  
然聲氣應坐使風俗淳短卷心先賀神交夢每親琢詞告萬世老

病敢辭君

南京僧太虛嘗求印證卷之云子在川上曰逝者如斯夫不舍晝夜我以此證本體自然註儒佛之途辯於此矣

他人讀拙詩只是讀詩求之甚淺何足與語此也抑猶有未盡者更諷詠之千周燦彬彬兮萬變將可覩神明或告人兮魂靈忽自悟雖拙作之淺陋能以是法求之恐更有自得處非言語可及也